

百病辨證錄

卷貳
共八本

瑤孫

增補百病辨證錄總目

卷之一

傷寒門 四十三則

中寒門 七則

卷之二

中風門 二十五則

痺證門 十一則

脇痛門 五則

頭痛門 六則

腹痛門 六則

腰痛門 六則

卷之三

咽喉門 七則

牙齒門 七則

口舌門 二則

鼻淵門 三則

目痛門 十二則

耳痛門 七則

血症門 二十一則

遍身骨痛門 四則

卷之四

五營門 六則

咳嗽門 八則

喘門 四則

怔忡門 三則

驚悸門 二則

虛煩門 二則

不寐門 五則

健忘門 四則

癩癰門 六則

狂病門 六則

呆病門 三則

呃逆門 五則

卷之五

關格門 五則

中滿門 四則

翻胃門 五則

臌脹門 七則

厥症門 七則

春溫門 三十三則

卷之六

火熱症門 十六則

暑症門 十一則

燥症門 十五則

痿症門 八則

卷之七

消渴門 五則

瘧症門 十一則

汗症門 五則

五痺門 十則

大瀉門 九則

痢疾門 十三則

癰癤門 八則

卷之八

瘧疾門 十則

虛損門 十二則

癆瘵門 十七則

夢遺門 七則

陰陽脫門 五則

淋證門 七則

卷之九

大便閉結門 九則

小便不通門 六則

內傷門 二十三則

疝氣門 附奔豚八則

陰痿門 五則

痰症門 二十一則

卷之十

鶴膝門 二則

癘風門 二則

遺尿門 三則

脫肛門 二則

強陽不倒門 二則

發斑門 三則

火丹門 二則

離魂門 三則

瘰癧門 二則

腳氣門 一則

中邪門 六則

中妖門 六則

中毒門 十二則

腸鳴門 三則

自笑門 附自笑 三則

惱怒門 二則

瘡啞門 三則

瘟疫門 一則

種嗣門 九則

婦人科

卷之十一

帶門 五則

血枯門 二則

血崩門 七則

調經門 十四則

受娠門 十則

姙娠惡阻門 二則

卷之十二

安胎門 十則

小產門 五則

鬼胎門 一則

難產門 六則

血暈門 三則

胞衣不下門 二則

產後諸病門 十一則

下乳門 二則

卷之十三 外科

背癰門 七則

肺癰門 四則

肝癰門 二則

大腸癰門 三則

小腸癰門 三則

無名腫毒門 二則

對口疽門 一則

腦疽門 一則

囊癰門 二則

臂癰門 一則

乳癰門 四則

疔瘡門 一則

多骨癰門 一則

惡疽門 一則

拳疽門 一則

楊梅瘡門 五則

腰疽門 一則

唇疔門 一則

脚疽門 二則

鬚疽門 一則

頑瘡門 二則

凍瘡門 二則

痔漏門 四則

物傷門 三則

接骨門 二則

金瘡門 一則

肚癰門 一則

癰門 一則

刑杖門 一則

卷之十四 幼科

驚風吐瀉門 七則

便毒門 一則

痘瘡門 十五則

疹症門 三則

喫泥門 一則

胎毒門 一則

辨證錄卷之三

山陰陳士鐸啟之甫疏達公天經集卷之三

會稽陶式玉尚白甫疏達公天經集卷之三

咽喉痛門

人有感冒風寒一時咽喉腫痛其勢甚急變成雙蛾者其症痰涎稠濁口渴呼飲疼痛難當其則以水不能入喉此陽火壅阻於咽喉視其勢若重而病實輕也夫陽火者太陽之火也太陽之火即膀胱之火也與腎經之火為表裡膀胱火動而腎經少陰之火即來相助故直沖於咽喉之間而肺脾胃三經之火亦復相隨而上升於是借三經之痰涎盡阻塞於咽喉結成火毒而不可解治法似宜連數經治矣然而其本實始於太陽泄膀胱之火而諸經之火自安矣但咽喉之地近於肺太陽既假道於肺經而肺經險要之地即挾路之戰場也安有舍戰場要地不解其圍而先搗其本國乎所貴者有兼治之法也方用破隘湯桔梗三錢甘草二錢柴胡一錢白芍五錢玄參三錢麻黃一錢天花粉三錢山豆根一錢水煎服一劑而咽喉寬再劑而雙蛾盡消矣方中散太陽之邪者居其二散各經之邪居其五尤加意於散肺之邪者由近以散遠也

此症用散蛾湯亦神效

射干枳殼蘇葉當歸各一錢甘草二錢桔梗三錢天花粉三錢山豆根八分麻黃五分水煎服一劑即愈

人有一時喉忽腫大而作痛吐痰如湧口渴求水下喉少快已而又熱呼水咽喉長成雙蛾既大且

昔有人患車蛾
必須刺破可以
吹藥乃病者畏
懼必不許刺醫
者誘以用小毫
筆點之乃暗藏
針於筆頭之內
張其喉而刺
破之其腫即消

赤其形宛如鷄冠此喉痺之症即俗稱為纏喉風也乃陰陽二火並熾一乃少陽之相火一乃少陰之君火也二火齊發其勢更暴咽喉之管細小大不得遽泄遂遏抑於其間初作腫而後成蛾也蛾有二一雙蛾一車蛾也雙蛾生兩毒兩相壅擠中間反留一線之隙可通茶水藥劑尚可下嚥若車蛾則獨自成形反塞住水穀之路往往有勻水不能嚥者藥物既不可嚥又從何路以進藥食哉法宜先用刺法一則刺少商等穴尚欠切近用刀直刺其喉腫之處一分則喉腫必少消可用吹藥以開之吹藥方膽礬一分牛黃一分皂角燒灰末一分麝香三釐冰片一分為絕細末和勻吹入喉中必大吐痰而愈然後用煎劑方名救喉湯射干一錢山豆根二錢玄參一兩麥冬五錢甘草一錢天花粉三錢水煎服一劑而全愈也若雙蛾不必用刺法竟用此方玄參為君實足以瀉心腎君相之火況佐之豆根射干天花粉之屬以祛邪而消痰則火自歸經而咽喉之間闕門肅清矣

此症用地湯。

加減亦神。

熟地生地玄參各一兩肉桂三分黃連天
花粉各三錢水煎服下喉即愈不必二劑

人有咽喉腫痛日輕夜重喉間亦長成蛾宛如陽症但不甚痛而咽喉之際自覺一線乾燥之至飲水嚥之少快至水入腹而腹又不安吐涎如水甚多將涎投入清水中即時散化為水人以為此喉痛而生蛾也亦用瀉火之藥不特杳無一驗且反增其重亦有勻水不能下嚥者蓋此症為陰蛾也陰蛾則日輕而夜重若陽蛾則日重而夜輕矣斯少陰腎火下無可藏之地直奔而上炎於

陰蟻治法古人多用桂附此偏不用以出奇桂附固為引火歸經之藥然其性大熱從隘道而過藥未入腹而喉先受其熱益增腫痛矣故不用桂附為妙

咽喉也治法宜大補腎水而加入補火之味以引火歸藏方用引火湯熟地三兩巴戟天一兩茯苓五錢麥冬一兩北五味二錢水煎服一劑而火自下歸咽喉之腫痛全消二劑即全愈方用熟地為君大補其腎水麥冬五味為佐重滋其肺金金水相資子母原有滂沱之樂水旺足以制火矣又加入巴戟之溫則水火既濟水趨下而火已有不得不隨之勢更增之茯苓之前導則水火同趨而共安於腎宮不啻有琴瑟之和諧矣何必用桂附大熱之藥以引火歸原乎夫桂附為引火歸源之聖藥胡為棄而不用不知此等之病因水之不足而火乃沸騰今補水而仍用大熱之藥雖曰引火於一時畢竟耗水於日後予所以不用桂附而用巴戟天取其能引火而又能補水則腎中無乾燥之虞而咽喉有清肅之益此巴戟天所以勝桂附也

此症用收火湯亦可神效

熟地三兩山茶葉一兩茯苓五錢肉桂三錢水煎一碗探冷服一劑即消

人有咽喉乾燥久而疼痛人以為肺熱之故誰知是腎水之涸竭乎夫肺金生腎水者也肺氣清肅自能下生腎水惟肺氣既虛則肺中津液僅可自養而無如腎水大耗日來取給則剝膚之痛為能免乎譬如父母未有不養贍其子者而處困窮窘迫之時則無米之炊何能止索飯啼饑之哭倘其子成立自能顧家為父母者不特可以取資而亦可免迫索之苦乃其子又伶仃狼狽不善謀生則子貧而父母更貧其乾枯之狀有不可形容者矣肺腎何獨不然故欲救肺之乾燥必先救腎之枯涸也方用子母兩富湯治之熟地三兩麥冬三兩水煎服一劑而燥止少三劑而痛少

止十劑而燥與痛盡去也熟地滋腎救肺子之枯也麥冬滋肺救腎母之涸也上下兩治腎水有潤澤之歡則肺金自無焦焚之迫猶人子無憔悴之色則父母自有安享之愉此肺腎之必須兼治而熟地麥冬所以並用而能出奇也

此症用金水湯亦佳

熟地山茱萸各一兩天門冬地骨皮丹皮各三錢沙參五錢水煎服

人有生喉癰於咽門之間以致喉癰疼痛者其症必先作瘡面紅耳熱而不可忍其後則嚔唾之時覺乾燥必再加嚔唾而後快久則成形而作痛變為楊梅之紅瘰或痛或癢而為癰矣夫癰必有蟲咽喉之地豈容生蟲世人往往得此病怙不為意到不能治而追悔於失治也不其晚乎此病因腎水之耗以致腎火之冲而肺金又燥清肅之令不行水大無既濟之歡金火有相形之勢兩相戰鬪於闕隘之間致成此症治法仍須補腎中之水而益其肺氣以大滋其化源兼用殺蟲之味以治其癰底幾止固而邪散而蟲亦可以盡掃也方用化癰神丹玄參一兩麥冬一兩五味子一錢白薇一錢鼠黏子一錢百部三錢甘草一錢紫苑二錢白芥子二錢水煎服二劑而疼痛少痊又服四劑而癰中之蟲盡死矣即不可仍用此方另用潤喉湯熟地一兩山茱萸四錢麥冬一兩生地三錢桑白皮三錢甘草一錢貝母一錢薏仁五錢水煎服連服十劑而瘡與痛俱除矣方中再加肉桂一錢饑服冷服實為善後之策又萬舉而萬全也蓋從前多用微寒之藥恐致脾胃受傷加入肉桂以補火則水得火而無冰凍之憂土得火而有生發之樂下焦熱而上焦自寒

也

此症先可用白微湯十劑後可
用既喉湯三十劑亦能奏功

白微湯 白微二錢 麥冬三錢 款冬花 桔梗各三分 百部二分 貝母
五分 生地三錢 甘草三分 水煎湯漱口 服日服一劑 服十日 虫死

既喉湯 熟地二兩 麥冬一兩 甘草一
錢 白微五分 水煎服 服一月全愈

人有生長膏梁素耽飲酒勞心過度致咽喉臭痛人以為肺氣之傷誰知是心火太盛移熱於肺乎
夫飲酒傷胃胃氣薰蒸宜乎肺氣之熱矣然而胃火薰肺而胃土實生肺也故飲酒尚不傷肺惟
勞心過度則火起於心而肺乃受刑矣況胃火助之則火性炎上而咽喉乃成燻燒之路自然唾
涕稠粘口舌乾燥氣腥而臭而痛症乃成矣蓋心主五臭入肺而腥臭又何疑乎方用解腥丹廿
草二錢 桔梗二錢 麥冬五錢 桑白皮三錢 枯芩一錢 天門冬三錢 生地三錢 貝母五分 丹皮三錢
水煎服連服二劑而痛止再服四劑而臭除此方治肺而兼治心治心而兼治胃者也因膏梁之
人其心肺之氣血原虛不滋益二經之氣血而但瀉其火則胃中之氣血必傷反增其火熱之端
矣今補肺以涼肺補心以涼心補胃以清胃而火自退舍不止咽喉之痛而痛自定也

此症用息矣
湯亦可

黃連甘草黃芩各一錢 麥冬五錢 天冬生地玄參各三錢 紫苑
天花粉石膏各二錢 竹葉三十片 陳皮三分 水煎服四劑愈

人有咽喉腫痛食不得下身發寒熱頭痛且重大便不通人以為熱也誰知是感寒而成之者乎然
而人不敢信為寒也論理用逍遙散散其寒邪而咽喉之痛即解雖然人不敢信為寒以用祛寒

之藥獨不可外治以辨其寒乎法用木通一兩葱十條煎湯浴於火室中如是熱病身必有汗而咽喉之痛不減也倘是感寒雖湯火大熱淋洗甚久斷然無汗乃進道遙散必然得汗而咽喉之痛立除此法辨寒熱最確不特拘之以治感寒之喉痛也

此症用紫白

飲亦妙

紫蘇花苓各三錢半夏一錢陳皮五分
甘草一錢白朮二錢水煎服一劑即愈

牙齒痛門

人有牙齒痛甚不可忍涕淚俱出者此乃臟腑之火旺上行於牙齒而作痛也治法不瀉其火則不能取效然火實不同有虛火有實火大約虛火動於臟寔火起於腑而實火之中有心包之火有胃火虛火之中有肝火有脾火有肺火有腎火同一齒痛何以別之不知各經在齒牙之間各有部位也兩門牙上下四齒同屬心包也門牙旁上下四齒屬肝也再上下四牙乃胃也再上下四牙乃脾也再上下四牙乃肺也再上下之牙乃腎也大牙亦屬腎腎經有三牙齒多者貴治病不論多寡總以前數分治之多驗火既有如許之多而治火之法宜分經以治之矣雖然吾實有統治火之法方用治牙仙丹玄參一兩生地一兩水煎服無論諸火服之均效察其為心包之火加黃連五分察其為肝經之火加炒梔子二錢察其謂胃經之火加石膏五錢察其為脾經之火加知母一錢察其為肺經之火加黃芩一錢察其為腎經之火加熟地一兩飲一劑而火輕再劑而火散四劑而平復如故矣夫火既有虛實不同何以一方而均治不知人之有餘無非水之不足

分經加藥不可不知

也我滋其陰則陰陽之火無不相戢矣況玄參尤能瀉浮遊之火生地亦能止無根之焰二味又瀉中有補故虛實咸宜實治法之巧而得其要者也況又能辨各經之火而加入各經之藥有不取效如神乎或曰火生於風牙齦之疼未有不兼風者治火而不治風恐非妙法不知火旺則生風未聞風大而生火人身苟感風邪則身必發熱斷無風止入牙而獨痛之理況火病而用風藥反增其火熱之勢是止痛而愈添其痛矣或疑膀胱有火肝經有火心經有火大小腸三焦俱有大何俱遺之而不言不知臟病則腑亦病腑病則臟亦病治臟不必治腑瀉腑不必又瀉臟況膀胱心與三焦大小腸俱不入於牙齦故畧而不談也

此症外治亦可用畢光湯

畢撥花各二錢水一碗煎半盞漱口即止痛

內治用沙豆湯亦妙

沙參一兩荆芥丹皮各三錢山豆根一錢水煎服二劑即愈

人有多食肥甘齒牙破損而作痛如行來行去者乃蟲痛也夫齒乃骨之餘其中最堅何能藏蟲乎不知過食肥甘則熱氣在胃胃火日沖於口齒之間而濕氣乘之濕熱相搏而不散乃蟲生於牙矣初則止生一二蟲久則蕃衍而多於是蝕損其齒遂致墮落一齒既朽又蝕餘齒往往有終身之苦者此等之痛必須外治若用內治之藥未必殺蟲而臟腑先受傷矣方用五靈至聖散五靈脂三錢研絕細末白微三錢細辛五分骨碎補五分各研為細末先用滾水含漱盡至淨然後用前藥末五分滾水調如稀糊含漱齒半日至氣急吐出如是者三次痛止而蟲亦死矣斷不再發蓋蟲痛原因蟲也五靈脂白微最殺蟲於無形加入細辛以散火骨碎補以透骨引五靈脂白微

蟲痛宜
外治不
宜內治

大牙之痛必須降火然純用降火之藥則火反不肯降也遠公言是

直進於骨內則蟲無可藏盡行勦殺蟲死而痛自止也

此症用破顏丹亦可外治甚效

丹砂三分麝香半分冰片一分雄黃一錢為細末將末搽於痛處口吐涎而痛立止

內治亦可用

安寧散
玄參生地麥冬各五錢白微一錢骨碎補五錢天門冬三錢水煎服三劑即愈

人有牙痛日久上下牙牀盡腐爛者至飲食不能用日夜呼號此乃胃火獨盛有升無降之故也人身之火惟胃最烈火既升於齒牙而齒牙非藏火之地於是焚燒於兩頰而牙床紅腫久則腐爛矣似乎亦可用治牙仙丹加石膏以治之然則其火蘊結可用前方以消弭於無形今既已潰破腐爛則前方又不可用以其有形難於補救也方用竹葉石膏湯加減石膏五錢知母二錢半夏二錢茯苓三錢麥冬三錢竹葉二百片葛根三錢青蒿五錢水煎服連服四劑而火退腫消矣然後再用治牙仙丹以收功也石膏湯以瀉胃火用之足矣何加入葛根青蒿也不知石膏但能降而不能升增入二味則能引石膏至於齒牙以逐其火而葛根青蒿尤能退胃中之陰火所以同用之以出奇陰陽之火盡散齒牙之痛頓除何腐爛之不漸消哉

此症可用石母降火湯

石膏煨麥剉黃芩炒黑各三錢知母一錢麥冬一兩玄參一兩甘草一錢升麻五分天花粉三錢水煎服四劑全愈

人有牙齦痠痛至夜而甚呻吟不卧者此腎火上冲之故也然腎火乃虛火非實火也若作火盛治

之多不能勝即作虛火治之亦時而效時而不效蓋火盛當作火衰有餘當認作不足乃下虛寒而上現假熱也人身腎中不寒則龍雷之火下安於腎宮惟其下寒之甚而水又無多於是上冲於咽喉而齒牙受之正如龍雷之火至冬則地下溫暖而龍雷皆蟄春氣發動則地底寒冷而不可蟄乃隨陽氣上升矣至於夜分元腎水主事水不能養火而火自遊行於外仍至齒而作祟譬如家寒難以棲處必居子舍而作威而子又貧乏自然觸動其怒氣矣治法急大補其腎中之水而益以補火之味引火歸源則火有水以養之自然快樂而不至於上越矣方用八味地黃湯加骨碎補治之一劑而痛止再劑而痛不發也蓋六味地黃湯補其腎水桂附引火以歸於命門但補水引火之藥不先入齒中則痛之根不能除所以必用骨碎補以透入齒骨之中而後直達於命門之內此按本塞源之妙法耳

此症亦可

用

熟地二兩生地一兩玄參五錢肉桂三分骨碎補一錢車前子二錢水煎服二劑即止痛

人有上下齒牙疼痛難忍閉口少經閉口更重人以為陽明之胃火也誰知是風閉於陽明太陽二

經之間乎此病得之飲酒之後閉口向風而卧風入於齒牙之中留而不出初小疼而後大痛也

論理去其風宜愈而風藥必耗人元氣因虛以入風又耗其氣則氣愈虛風邪即欺正氣之怯而

不肯出疼終難止也古人有用灸法甚神灸其肩穴微近骨後縫中小舉臂取之當骨解腦中灸

五壯即差但灸後項必大痛良久乃定而齒疼永不發也然而人往往有畏灸者可用散風定痛

灸法固神而湯劑亦妙

湯治之白芷三分石膏二錢升麻三分梧桐淚一錢當歸三錢生地五錢麥冬五錢乾葛一錢天花粉二錢細辛一錢水煎服一劑輕二劑即愈不必三劑也此方補藥重於風藥正以風得補而易散也。

此症可用
宣揚散

柴胡五分白芍五錢甘草白芷乾葛細辛各一錢
青蒿三錢天花粉三錢石膏二錢水煎服二劑愈

人有上下齒痛甚口吸涼風則暫止閉口則復作人以為陽明之火盛也誰知是濕熱壅於上下之齒而不散乎夫濕在下易散而濕在上難祛蓋治濕不外利小便也水濕下行其勢順水濕上散其勢逆且濕從下受易於行濕從上感難於散故濕熱感於齒牙之間散之尤難以飲食之水皆從口入必經齒牙不已濕而重濕乎濕重不散而大且更重矣所以經年累月而痛不能止也治法必須上祛其濕熱入不可單利小便當佐之以風藥則濕得風而燥熱得風而涼濕熱一解而齒痛自愈矣方用上下兩疏湯茯苓五錢白朮三錢澤瀉二錢薏仁五錢防風五分白芷三分升麻三分荊芥二錢梧桐淚五分甘草一錢水煎服四劑而濕熱盡解而風亦盡散也蓋茯苓白朮澤瀉薏仁原是上下分水之神藥又得防風白芷升麻荊芥風藥以祛風夫風能散濕濕能散火風火既散則濕邪無黨安能獨留於牙齒之間耶仍恐邪難竟去故加入甘草梧桐淚引入齒縫之中使濕無此須之留又何痛之不止耶况甘草緩以和之自不至相襍而相犯也

口舌門

有婦人產子古出不能收人以為古脹也誰知是難產心驚之故乎夫古乃心之苗心氣安而古安心氣病而古病產子而胞胎已破子不能產欲顧子而母命恐亡欲全母而子命難保其心中驚恐自必異於常時心氣既動心火必不寧矣胞胎之系原通於心用力產子而心為之懼故子下而古亦出也古出不收心氣過升之故治法必須降氣為主古人有以恐勝之者然古出由於心驚復因驚以增其恐吾恐愈傷心氣矣雖古驟收未必不隨收而隨出也故降氣必須補心而不可增其恐方用助氣鎮心丹人參三錢茯神二錢菖蒲五分硃砂一錢不可大製五味子一錢水煎含漱久之然後嚥下一劑即收二劑全愈此方用硃砂以鎮心又得人參以生氣氣旺則火自歸心火歸而熾息古亦隨熾而自收矣何必增其恐懼而氣始下哉

此症亦可用
飲古神丹

人參一兩五味子一錢麥冬一錢附子一片
菖蒲良薑各三分水煎含漱嚥下一劑即收

此等症
因鬱而
成者宜
用逍遙
散今用
八珍湯

人有古下牽強手大指次指不仁兩臂麻木或大便閉結或皮膚赤暈人以為風熱之病也誰知是腦怒所致因鬱而成者乎夫古本屬陽明胃經之土而大腸之脈散居古下古下牽強是陽明胃與大腸之病也然非無因而至因肝氣不伸木剋胃土則土虛而不能化食遂失養於臂指經絡之間而麻木不仁之症生臂指經絡失養何能外潤於皮膚乎此赤暈之所以起也胃土受肝木之剋則胃氣大燥無血以資大腸因熱以生風腸中秘結益失其傳導之職矣治法必須通大腸而健胃又必平肝以補血方用八珍湯加減治之人參一錢當歸五錢白芍五錢柴胡一錢陳皮

者加柴胡
胡適之
舒鬱

膽能滲
酒喻嘉
言曹言
之然未
嘗論及
鼻淵之
症

五分甘草一錢槐角一錢白朮一錢熟地五錢半夏五分茯苓一錢水煎服二劑輕四劑又輕十劑全愈八珍湯補氣補血之方也加入柴胡以舒肝增入槐角以清大肝之鬱解而胃之氣自旺胃氣旺而轉輸自暢矣

此症用頭膏

湯亦妙

富歸一兩香附花神丹皮玄參各三錢柏子仁沙參黃苓各二錢連志五分參冬五錢甘草一錢水煎服四劑愈

鼻淵門

人有無端鼻流清水者久則流涕又久則流黃濁之物如膿如髓腥臭不堪聞者流至十年而人死矣此病得之飲酒太過臨風而臥風入膽中膽之酒毒不能外泄遂移其熱於腦中夫腦之竅通於鼻而膽之氣何以通於腦而酒之氣何以入於膽耶凡善飲酒者膽氣自旺且多叫號故酒先入膽而膽不勝酒即不及化酒而大毒存於其中矣夫膽屬本最惡者寒風者外寒相侵則內熱愈甚膽屬陽而頭亦屬陽膽移熱而上走於頭腦在頭之中頭無可藏熱之處故遇穴而即入況膽與腦原是相通腦之穴大過於膽遂樂於相安居之而不肯還入於膽矣迨居腦既久而動極思遷又尋竅而出乃順趨於鼻矣大毒淺而涕清大毒深而涕濁愈久愈流而愈重後則涕無可流併腦髓而盡出欲不死而不可得矣治法治其腦可也然治其腦必仍治其膽者探源之治也方用取淵湯辛夷二錢富歸一兩柴胡一錢炒梔子三錢玄參一兩貝母一錢水煎服一劑涕減再劑涕又減三劑病全愈蓋辛夷最能入膽引富歸以補腦之氣引玄參以解腦之火加柴胡梔